

Iqqanaijaqatigiit

Nunavutmi Kavamat unalu
Nunavutmi Tungavik
Havaqatigiiktut



Piquyivungagut

IMAINMAT, Gavamatkungit Nunavut (GN) Nunavut Tunngavikullu (NTI) pivikhaqarumangmata naunaiyaijutikhamik kiuniagahuarutikhaniglu atauttinik tikittauyumayunik hivullitjauhimaguniglu.

HADJA, TALVANGA, GN-kut NTI-kullu angigtuk havaqatigiigutikhamingnik aturlugu *Iqqanaijaqatigiit*.

Hivuani

Aturlugu Kangigtugaarpmi angigtut atiliuqtauhimayuq 1999-mi, *Iqqanaijaqatigiit* naunaiyautiuniaqtuq havaqatigiikgutikhaanik NTI-kut GN-kullu.

Vutiqtauhimayut hivullitjutit tamaarmiituni timingni ihumaliurmata Kangigtugaarpmi Angigtut angmaktuuyukhauyuq. *Iqqanaijaqatigiit* iniqtiqtauyuq uuma havakatigiikgutikhap nauniatigut.

Iqqanaijaqatigiit ayaugutauniaqtuq havakatigiikningata NTI-kut GN-kullu. Pivaallitqirnia havakatigiikniup amigaikyuminahuarhugit ikayuutauyukhauyut tamainnut Inungnut Nunavunmiunullu.

Inmingnik Ilittarimaniq

GN ilittarimayaat NTI iniaqtut Nunavulirinirmi Inuit timilluagigamitjuk timiutjutikakhutik uqaqtiuplutik Inungnut Nunavunmi mighaagut Inuit ayungitjutingittigut ikayuutikhangittigullu Nunavut Angigtutatigut. GN ilittarimayurlu NTI-kut timiutjutaanik allanik kammagiyagiaqqtut hapumminahuarlugit kulvaktinahuarlugillu piumayait Inuit nunaqqaqqtunirmikkut.

NTI ilittarimayaat GN, pitilugit vutiqtaunikkut kammayuiplutik gavamautillugit, kivgaktuiyariaqqtut ihagiagiyaayunik hivullitigiyainiglu tamainnit Nunavunmiunit, atjigiiktittinikkut.



Huuq

Iqqanaijaqatigiit tunngavikhak timiuyunut atauttikut havaqatigiigutikhamik ihuaqtumik naunaiyailutik:

- Tamaarmingnitpiyauyumayunik allaniglu hivulliugutjauhimayunik qanurlu havagutikhainik tatqihutikugutikhainiglu;
- Havakatigiigutikhat kammayuiniaqtullu atanguyavaluit;
- Katimaqattarvikhainik kammayuiniaqtut ihivriurivagiagini hivumurnirminignik havaahallu naunaiyaffaarlugit;
- Uqaqatigiigutikhamik ihuakhaitjutikhanik anngiqatigiiligumik NTI-kut GN-kullu.

Iqqanaijaqatigiit titigaqtauhimayuq kulvaktinahurittugu havaqatigiikniat GN-kut NTI-kullu kivgaktuittiarnaqtumik inungnik piumayaunyuglu Nunavunmi.

Tamarmingnit Piumayauyut

GN-kut NTI-kullu ilittarimayaat hivumuriniat tikittauyumayut Nunatarutunmi, tikinnianullu apquhiurhimayut tamaarmingnit piuyauyumayut.

Timiuyut qinirhiavakniaqtut piumayauyunik ukiuqtamaarhiunmingni katimagaigumik. Talvanga hivulliurilutik.

Atuni piumayauyuni, atanguyavaluit havaktillu Timiuyuni naunaiyainiaqtut hivumuyunaqtunik havakatigiigutikhanik. Tikittauyumayut havautikhaillu tatqihutikkuugutikhallu iniqtiqtaulutik.

Makpigaaq ilulilik piumayauyunik, hivulliurutinik tikittauyumayunik havautikhainiglu tatqihutikkuugutikhallu ilautiyauniaqtuq *Iqqanaijaqatigiit* nutaanguqtiqtauvakluni piyariaqaqqat.

Angiqqatigiirunaiguttiqalirnikkat iniqtirniatigut tukkiliurutatigulluuniit tuniyauniaqtuq ihuarhautikhakhiugutikhanut Ministaup Tuglianut Hivulliuqtini Gavamaliriyitkunillu Atanguyagaanullu NTI_kut.

Angiqqatigiilimaikanik tapkua Ministaup Tuglia Atanguyaallu NTI-kut, tuniyauniarmiug Hivulliuqtianut Nuanvut Angiyuqqanganullu NTI-kut.

Tamaarmik GN-kut NTI-kullu ilittarimayuk angiqqatigiiginalimaittut. Imainnikkat, Timiuyuk pimmaruhukniaktuk inmingnik.



Tuhaumatittinik

GN-kut NTI-kullu angiqqatigiiktut tuhaumatittinirmut mighaagut hunallikak tamaarmingnut ihumalutauyunik piumayauyuniglu angmaumalutik kinguvaktaililutiglu, iluaguklutik maligatigut maniktigullu.

Katimaniat Hivulliuqitp Angiyuqqaplu

Ukiuq tamaarhiunmik katimavakniaqtuk tamaarmik Timiuyuk kivagktuqtaulutik Hivulliuqtianit Nunavut Angiyuqqaganillu NTI-aip. Hapkua ukiuq tamaarhiutit katimaniit:

- naunaiyautiuniaqtut piumayauyunik, uqariyauvikhainiglu;
- naunaiyautiuniaqtut atauttikkut hivulliuganik tikittauyumayunik qanuriliurutikhaniglu tatqihutikkugutikhaniglu; uvvalu
- ihviriurlugit havakatigiikgutauyut katimalgaarnirmingnit.

Atuni Timiuyuk qaitquittaqtuq allanik vutiqtauhimayunik havaktiiniglu kaitmanirmingnut ukiuq tamarhiunmut. Hivuagut ukiuq tamaarhiutip katimaniup, Timiuyuk angiqatigiiglaqtuk katimayutjutikhanik.

Katimaniat Atanguyavalliut

Atanguyavalliut GN-kunit NTI-kunillu katimaqattarniatut, katimanikhanullu Hivulliuqtiit Gavamaliriyitkullu Ministaup Tugliata katimatquigaikpat GN-kunik Atanguyaniglu NTI-kut.

Katimavakniaqtuk Ministaup Tuglia Atanguyaallu NTI-kut tatqihut atauhiarlugu. Puigunngillugu, Katimaniaqtut kilamik ayurnagitpat katimatquikpat Ministaup Tuglia uvvaluuniit Atanguyaallu NTI-kut.

Ministait Tugliit Atanguyaallu NTI-kut tiliurittaqtut qanurlikak turanganiaqtunik atauhirmut havaktimingnik havarlutik katimayigalaakhanik ikayuutauniarumik timiuyuk havakatigiikniannut.



Allanguqtirnia Hivittunialu

Una Angigut allanguqtiqtauttaqtuq qakungugangat titiqqatigut angiqatigiikkumik Timiuyuk. Atuqtauginnarniahunilu atauhiq tamaarmikluuniit Timiuyuk ahiagut uqaqqanik.

Timiuyuk, tunihigumi titigarhimayumik, tiliurittaqtuq ayunginirmik kivgakhaminnut allanguqtirutikhainik ilaurutinik.

Atiliuqtauyuq umani ____ ublungani ____, 2004, ____-ni, Nunavut.

Paul Okalik
Hivulliuqti
Gavamatkungat Nunavut



Paul Kaludjak
Angiyuqqaq
Nunavut Tunngavik Timingat



Nunavut Tunngavitkut Timingat (NTI) – Nunavut Gavamangat (GN)

Iqqanaijaqatigiit – Havaqatigiit

Hivulliugiyauyut

Kanatamik Piqatiqarniq

- NLCA – Kantrakmik Hivumurinirmut Aivakgutit
- Aviktuiniq
- Kiklit Qaliriiktut Mighagut

Pivallianiq

- Hivumuriniq Nuanvunmi Pivallianirmut Apquhiugarmik
- NNI
- Ilulik 2.7.3

Inuliriniq Ilitquhilirinirlu

- Anniatailiniq
- Igluliriniq
- Inutuqait Inulgamiillu
-

Ilinniarniq Ilihaffarniq Uqauhiliriniq

- Ilinniarniq
- Uqauhiliriniq
- Inirniit Ilihaffarutikhagut

Avatiliriniq

- Umayulirinirmut Maligap Atuppauhikhait
- Munarhinirmut Pivikhautit
- Tuqunaqtulingnik Halummarhiniq

Tuhaumatittiniq Uqaqatigiiknirlu

- Tuhaumatittiniq
- Uqaqatigiikniq
- NLCA Qauyimaniq

